

3. Մենք մեր միջոցներով կօզնենք Հայաստանի պարենաւորման և երկրի մէջ անտեսական բնականոն դրութեան վերահաստատման:

4. Երկու կողմերը յանձն կառնեն ազատ անցք տալ իրենց երկաթուղիներով և հաղորդակցութեան բոլոր ճանապարհներով միւս կողմին պատկանող անձերին և ապրանքներին և արգելք չեն յարուցանելու միւս կողմի և ծովի, ինչպէս նաև այլ ուրիշ երկրների միջև եղած թրանզիտի դէմ:

5. Թիւրքիան յանձն է առնում վերաբնակեցնել իրենց օջախներում համաշխարհային պատերազմի պատճառով իրենց հողամասերից դաղթած հայերին և տալ նրանց ամենաքաղաքակրթւած երկրներում ազգային փոքրամասնութեանց տրւած ամենաբարձր իրաւունքները:

6. Թիւրքիան պահանջում է, որ Հայաստանը տայ իր ապահովութեան համար պէտք եղած երաշխիքները: Մեր պատուիրակները սպասում են ձեր բանակցողներին Ալեքսանդրապոլում. վերջիններս պէտք է ունենան իրենց հետ բանակցելու և հաշտութիւն ստորագրելու պէտք եղած լիազօրադրերը:

7. Հաշտութեան բանակցութեանց ընթացքում թշնամութիւնները դադարեցնելու զինադադարի պայմանները ձեզ կը հաղորդեն մեր արևելեան ճակատի հրամանատարի կողմից:

Արտաքին գործոց ժողովրդակ. կոմիտար՝ Ախմէդ Մալխոտար

Դուք տեսնում էք արդէն, թէ ինչպէս մեր հակառակորդի խօսքերն ու գործերը չեն համապատասխանում իրար. այն ժամանակ, երբ մենք ընդառաջ ենք գնում իրենց իսկ առաջարկած զինադադարի պայմաններին և անմիջապէս գործադրում, նրանք մէջ են բերում նոր պահանջներ, որոնց կատարումով Հայաստանը պիտի կիսւի, զինաթափւի և ինքնապաշտպանութեան միանգամայն անընդունակ դառնայ: Այդ բոլորի հետ նրանք չեն մտառնում ընդդէմ, որ Հայաստանը Թիւրքիային ապահովութեան երաշխիքներ պիտի տայ, այդ նշանակում է, որ յետագայում ևս պիտի նոր պահանջներ դրւի, այս անգամ, գուցէ, Հայաստանի ամբողջական ոչնչացման խնդիրը հրատարակ բերւի և հէնց այդ նպատակով էլ Անգորայի կառավարութիւնը շարժի իր բանակները Հայաստանի վրա:

Այսպիսով հայ ժողովուրդը կանգնած է ծանր փորձութեան առջև. նա կամ պէտք է կուրի, կամ անխնայ մորթուի տաճիկների ձեռքով: Կառավարութիւնը սպառելով բոլոր խաղաղ միջոցները՝ կրկին փարել է գէնքին, որովհետև երկրի ու ժողովրդի փրկութեան համար ուրիշ ելք չկայ (ծաշահարութիւն):

Պօսում է պատգ. Ալ. Խատիսեանը. — Լսելով նախարարապետի զեկուցումը և կառավարութեան բռնած ընթացքը՝ կողէի իմ խօսքի ընթացքում կանգ առնել մէկ կարևոր խնդրի վրա: Ամէն պատերազմ վերջանում է խաղաղութեան դաշինքով, բայց պէտք է զիտնալ, որ այդ խաղաղութիւնը միշտ միատեսակ չի լինում. խաղաղութիւն կայ, որ հանդէս է գալիս իբր պարտութեան հետևանք և տամնեակ տարիներ զգացնել է տալիս իր բացասական ազդեցութիւնը. կայ նաև խաղաղութիւն, որ գալիս է յաղթութեան յետևից ու բերում յաղթող ժողովրդին բարեկեցութիւն: Եթէ այդ այդպէս է, ապա իւրաքանչիւր պատերազմող ժողովուրդ պէտք է զիմէ դէպի պատւարեր խաղաղութիւն, պէտք է ձեռք բերէ մի դաշինք, որի հովանու տակ կարողանայ անարգել ապրել ու զարգանալ. իսկ երբ խնդիրը վերաբերում է մասնաւորապէս հայ ժողովրդին, ապա նա պիտի ունենայ կրկնակի մտահոգութիւն՝ հասնել պատւարեր խաղաղութեան նիւթական և բարոյական տեսակէտներով և կնքել այնպիսի հաշտութիւն, որ անսասան լինի մեր երկրի գոյութեան հիմքը: